

مشاكل مصر الاقتصادية

إسم كتاب نشره أستاذ
في الخمسينات من قرن وفات
كانت مشاكلنا في زمانها
أخف كثير من زمن «الشات»
مشاكلنا زادت ماتحلتش
لا في حياته ولا بعد ما مات!!
....

كل ماشوف مشاكلنا تزيد
أترحم عليه وأقول وأعيد
الرحمة ليك يا جمال ياسعيد
إنت «وكينز» ورأى سديد
....

ماكنش إشتراكى ولا شيوعى
ولا «رأسمالى» بدون توجيه
ولا كلاسيكى بدون تطوير
كان له قناعة بفكر جديد

....

نظرية فيها أدوات تحليل
نعرف بيها رايعين على فين
عرض وطلب لكن بميزان
لاحرية زائدة ولاحتكارات
أوسوق للمغامرة ومضاربات
والدولة دورها مش غايب
بخطط مدروسة وذ لازم
مش عشوائية ومال سايب
ومتابعة بقانون عادل حازم

....

في الزمان دَ علوم زادت
ونظريات جديدة وسادت
وكم إتفاقيات دولية
وبنك دولي وصندوق نقد
لحل مشاكل أزميه
بدل الحروب لقتصادية
وإلى يخطط يراعى تمام
نظم وقوانين دولية
....

بلاش فضايح أبو العرّيف
والعيش نديه «لخبازه»
لو رأى سليم أهلا بيه
لو من خبير في مشاكلنا
عالمً بالجارى حوالية
ونفسه نحقق أحلامنا

ونشوفها تانى أم الدنيا

إحنا معاه وإيدينا فى أدية

....